


Shilwa sha Moyo




Satū
(Januari)

Nghilili na mimbo ga

Bupiji

mu Kisukuma

*(Mistari na nyimbo kwa Kisukuma
kuhusu Wokovu)*





I

Nguno ū Mulungu abatogilwe no a ba mu sī,
kūshisha nose ūnfunya Ng'wana wakwe ūmò
wike; gīkī būlī ng'wene ūyo ūnzunya atizū-
yagala, alīyo abize na būpanga bo welelo na
welelo.

Yohana 3:16

**Īkī Mulungu waabatogwa
Banhū ba mu sī,
Akantūma Ng'wana wakwe
Kūbachīlīla bose;
Būlī munhū ūwanzunya
Aleke kūjimīla,
Abi na būpanga.**

*Halelūya, Yesu Kristo,
Halelūya, Mpija wiswe,
Halelūya, Seba ntale
Ūkūjiwe wike.*

85.1 Īkī Mulungu Wabatogwa Banhū Ba Mu Sī
(Mine Eyes have Seen the Glory)



2

Ī lyeñlī h'ī likanza tlo līzunīlījiwe, mumane
gete gīkī ū lwenūlū hū lūshikū lwa būpīji.

2 Bakolinto 6:2b

Ndolile, nghana,
Īkadwisha banhū,
Zunyaga hambūnū,
Hīlū hūna īyī;
Ikanza tīlī
Lyene lya kīgongo,
Nsango gūliza gete.

94.3 Tegagi Matū
(Open Your Ears)



3

Nguno būlī ng'wene ūyo ūlīlīlīlā ī lina lya
ng'wa Seeba akūpījiwa.

Balumi 10:13

Lina lyene ibūngīlo
Kūlī ūwalīzunya;
Būpanga wane būlī mo,
Nanzunya Mpīja Yesu.

*Lina īlī līlī ho
Kwīnja shibi sha banhū;
E, munzunye hambūnū.
Yesu Mpīja wiswe.*

87.3 Mfumu Ntale Washikile
(The Great Physician)



4

Hĩ nguno yene adūgije kūbapīja gete abo
bakwizaga kūlī Mulungu mu nzīla yakwe,
nguno alī mpanga welelo bose, gīkī abize
Nombeji wabo.

Bahebulania 7:25

**Yesu akahaya,
"Nene ndī nzīla,
Ūwanilondela
Alapījiwa."**

*Nghana, nghana, ūwanzunya,
Wanzunya Yesu,
Alashika ūko
Kaya ng'wigūlū.*

187.1 Yesu Akahaya, Nene Ndī Nzīla
(Jesus is the Way, the Truth, and the Life)



5

Nguno alīho Mulungu ūmò, na Munhū ūmò,
ūyo alī ntūūji wa būsangīja ha gatī ya banhū
na Mulungu, ng'wene Kilisito Yesu.

1 Timoteo 2:5

Bashimīnzi, tūdimane,
Tūshimīnze ko ning'we.
Ūlū chene, ng'wisangīje
Tame nanghwe Mulungu.
Mpīja na Nsangīja, Yesu,
Uwanzunya ūbi mhola,
Abazunya, nzūgwi, nzūgwi,
Tūje hamo ng'wīgūlū.

106.3 Bashimīnzi, Ng'waja Halī
(Whither, Pilgrims)



6

Nguno pye a banhū balī na shibi, balebile a
h'ikūjo lya ng'wa Mulungu.

Balumi 3:23

**Naalī nkenagūji,
Alīyo nūlekejiwa na Mulungu,
Aho nakanzunya ū Yesu
Ūyo waanichītila
(ū Yesu).**

*Lina ipya lyaandikwa ng'wigūlū,
Hī lyane, nghana lyane,
Na bamalaika bakwimbaga,
Njimīji washoka,
Na lina lyakwe lyandikwa ng'wigūlū
Hī lyane, nghana lyane,
Nīnjiwa mu shibi,
Nalī na būpanga ūbūtūshila.*

230.1 Naalī Nkenagūji

Mimi mpotevu (Sifa #74)
(A New Name in Glory)



7

Alīyo pye abo bakūng'wanukūla na kūlīzunya ī
lina lyakwe, akūbinha būdūla bo kūbiza
baana ba ng'wa Mulungu.

Yohana 1:12

**Nayega no kūlwa Yesu Kristo,
Būtogwa wakwe būtale nīyo,
Walī ūleka ikūjo lyakwe
Kūkobakoba na kūnipīja.**

*Nayega no, anitogilwe,
Ū We Yesu, ū We Yesu,
Nayega no, anitogilwe,
Yesu Mpīja wane.*

160.1 Nayega No Kūlwa Yesu Kristo
(Jesus Loves Even Me)



8

Nguno ī mheela ya shibi īlī kūcha, alīyo ī
shakwinha sha ng'wa Mulungu, shilī būpanga
butashilaga mulī Kilisito Yesu Seeba wise.

Balumi 6:23

**Mhela ya shibi yene kūcha,
Ali Yesu waanichītila,
Aho naansanya, naapīla,
Īkī Yesu waanichītila.**

*Chene, naanzunya Yesu,
Mininga gakwe gaanoja,
Būpīji ndī nabo,
Īkī Yesu waanichītila.*

152.1 Mhela Ya Shibi Yene Kūcha

Sioshwi dhambi zangu (Sifa #90; Tenzi #78)
(Nothing But the Blood)



9

Nguno ū mu mihayo mitaale t̄yo nanukūla ū
nene, h't̄yo nakandya ū kūng'winha na a
bing'we; ḡikī ū Kilisito akacha kūlwa shibi
shise ḡit'ūmo shandikwa shihayīlile.

1 Bakolinto 15:3

**Yesu akacha kūlwa babi,
Balekejiwe shibi pye,
Aho nakanzunya We Yesu,
Naalekejiwa shose pye.**

*Shibi shane shejiwa nghana,
Naalekejiwa shose pye,
Mu mininga ga ng'wa Yesu ha
nsalaba,
Naalekejiwa shose pye.*

223.1 Yesu Akacha Kūlwa Babi
(My Sins are Blotted Out, I Know)



10

Pye abo aninhile Baba bakwiza ū kūlī nene,
na būlī ng'wene ūyo wiza kūlī nene,
natūmponya hanze na hado yaya.

Yohana 6:37

**Ndūgū wane, ūtīziganika
Ntondo ūkūng'wigwa Nkomoji,
Lelo hū lūshikū lwa būpīji,
Ng'wanukūle We haha.**

*Ūwiza kūlī Nene,
Ūwiza kūlī Nene,
Ūwiza kūlī Nene,
Natalanshokeleja.*

216.4 Ng'wigwe Yesu Kristo Alitana

Sikia anawaita (Sifa #130)
(Him that Cometh unto Me)



II

Alīyo ī shenīshi shandīkilwe kūlwa
kūmugunaana, muzunye gīkī ū Yesu alī
Ng'wana wa ng'wa Mulungu, ūlū ng'ūzunya
mukūpandīka būpanga ū mu lina lyakwe.

Yohana 20:31

**Walī ūzula ikūjo lyakwe,
Akabyalwa gītīi munhū,
Akang'wikola nsepe mu sī,
Walī ūcha ha nsalaba.**

*Akanichīlīla nene,
Akanichīlīla nene,
Walī ūkong'wa ko
Ha nsalaba,
Akanichīlīla nene.*

18.2 Ndī Na Mpīja Wa Kūkumya Nīyo

Yesu ndiye Mkombozi wetu (Sifa #107)
(He was Nailed to the Cross for Me)



12

Nguno pye a bose muli baana ba ng'wa
Mulungu külwa künzunya Kilisito Yesu.

Bagalatia 3:26

**Ngholo yakwe waninhile,
Moyo gwape nīyo no,
Haha nali ng'wana wakwe,
Alinhogwa nīyo no.**

***E, nghana, nakwimba mīmbo
Ga būtogwa wakwe We,
Hamo na bamalaika,
Abo bali ng'wigūlū.***

57.3 Nakūng'wimbīla Mulungu

Nitamshukuru Mungu (Sifa #11)

(I will Sing the Wondrous Story)



13

H'ūmo gūhayīlile ū mhayo gīkī, "Ī lelo ūlū
muliigwe ilaka lyakwe, yaya ū kūgang'hanaja
ī ngholó jing'we, gīt'ūmo ng'wītīlaga mu
būshitiigwa wing'we."

Bahebulania 3:15

**Ng'wigwe Yesu Kristo alitana
Bajimīji bize kūlī We,
Abadohelejiwa na shibi,
Bitanwa kūlī Yesu.**

*Ūwiza kūlī Nene,
Ūwiza kūlī Nene,
Ūwiza kūlī Nene,
Natalanshokeleja.*

216.1 Ng'wigwe Yesu Kristo Alitana

Sikia anawaita (Sifa #130)
(Him that Cometh unto Me)



14

Ūbafunya hanze; hūna ūbabūja gīkī,
"Bababa, nīite mhayo kī napandīke kūpīla?"
Nabo būng'wīla, "Nzunyage Seeba Yesu,
ūkūpījīwa ū bebe ng'wenekīlī nī kaya yako!"
Shītwa 16:30, 31

**Zunyaga lina lya Yesu,
Bebe nghanī na mpīna,
Līkūkūyeja hambūnū,
Lizunyage mu nghanā.**

**Ī lina lya Yesu,
Būyegi wa ng'wigulu!
Ī lina lya Yesu,
Kwisagīlwa kwa banhū!**

126.1 Zunyaga Lina Lya Yesu
(Take the Name of Jesus with You)



15

Ūyo ūnzunya ū Ng'wana alī na bŭpanga
butashilaga, lelo ūyo atŭnzunya
ū Ng'wana, atŭbŭbona ū bŭpanga, alīyo
ū bŭpelanu bo ng'waa Mulungu
bŭng'wikalīlile!"

Yohana 3:36

*Mulungu nghana
Ūbasatwa banhu,
Waang'winha ko Ng'wana
Walī ūmo wike;
Ūwanzunya
Atalatindwa nsango,
Alīyo ūbiza mpanga.*

94.2 Tegagi Matū

(Open Your Ears)



16

Hū kūhaya būlī ūmo wise akwibūūla wei
ng'wenekīlī, ū kūlī Mulungu.

Balumi 14:12

**Kū lina lya Yesu Kristo,
Bose tūlantugīja,
Ntemi wa batemi bose,
Ng'wigūlū tūlankūja.**

***Ī lina lya Yesu,
Būyegi wa ng'wigūlū!
Ī lina lya Yesu,
Kwisagīlwa kwa banhū!***

126.4. Zunyaga Lina Lya Yesu
(Take the Name of Jesus with You)



17

Nguno mumanile gīkī mutakomoolilwe mu
nzīla ya shikolo sha kūkenaagūka, gītī: feza
nūūlū zahabu, ū kwinga ū mu nhūngwa jing'we
tjo jiti na matwajo, tjo ng'wali ng'wanukūla
kūfuma kū bakūlūgenji bing'we. Alīyo
mukomoolilwe mu nzīla ya mininga ga mpango
ntaale, ga ng'wa Kilisito, ū Ng'wana wa
Ngholo ūyo atī na kabi nūūlū shilingo.

1 Petelo 1:18,19

**Ndī na mpīja wa kūkumya nīyo,
Waanichītīla ha lītī;
Akafunya mininga gakwe,
Nakomolwe nene mihya.**

*Akanichītīla nene,
Akanichītīla nene;
Wali ūkong'wa ko
Ha nsalaba,
Akanichītīla nene.*

18.1 Ndī Na Mpīja Wa Kūkumya Nīyo

Yesu ndiye Mkombozi wetu (Sifa #107)
(He was Nailed to the Cross for Me)



18

Hūna lūulū tki tūbalililwe bütūngīlīja kūlwa
kūzunya, tūlī na mhola ū kālī Mulungu, mu
nzīla ya ng'wa Seeba wise Yesu Kilisito.

Balumi 5:1

Bütūngīlīja nhī nabo nghana,
Naatūngīlīgījiwa na Yesu,
Nalī nūbiza kūle nanghwe,
Ū nene njimīji naapīla.

*Nene njimīji naapīla,
Nene njimīji naapīla,
Kūlwa kīgongo, Mulungu alūmve,
Ū nene njimīji naapīla.*

213.3 Naali Njimīji

Mimi niliye na dhambi (Sifa #68)
(Only a Sinner)



19

Alīyo ūlū tūshimīzila ng'wisana gīt'ūmo wei
alī ng'wisana, tūkūbiza na būsangī bise
benekīlī na benekīlī, hūna a mininga ga
Ng'wana wakwe ū Yesu Kilisito gakūtweja
twīnge ū mu shibi shise pyī ī shose.

1 Yohana 1:7

**Yesu, isana lya moyo,
Mu moyo gwane wakīlage mo;
Giiti cha mu sī chingī no.
Seba, nhongele ng'wisana lyako.**

**Yesu, isana lya moyo,
Wakūnondela atūhūbaga;
Būmama mu sī wingī no,
Seba, nhongele mu nghana yako.**

80.1,2 Yesu, Isana Lya Moyo

Yesu ni nuru (Sifa #53)

(Sun of My Soul)



20

Ū bŭpanga bo butashilaga wene kŭkŭ-mana
bebe ūyo ūlī Mulungu wa nghana; Mulungu
ūmò wike, hamò na Yesu Kilisito,
ūyo ūntŭmile bebe.

Yohana 17:3

**Kŭmana Yesu nongeje, kīgongo chakwe na kīsa
Natŭmanīle hose pye, mu lina Iya Mpīja wane.**

*Nongeje kŭmana ya Mpīja, ū Yesu,
Na ya bŭpīji bŭtale,
na ya bŭtogwa wakwe We.*

240.1 Kŭmana Yesu Nongeje

Nataka nimjue Yesu (Sifa #159; Tenzi #92)
(More About Jesus)



21

[Yesu alihaya gīkī,] "Ī haha nīmīlaga ha mita nalitūla hoodi; būlī ng'wene ūyo ūliigwa ī lilaka lyane ūgūlugūla ū mita gwakwe, nakwingīla nalye nang'hwe, nū wei hamò nū nene."

Kūkundūlīlwa 3:20

Shikū ja kūpījiwa
Jilībīta wangū no,
Angūhaga, alītana,
Ūnugūlīle.

Ūnugūlīle,
Ūnugūlīle,
We wike akūkūpīja,
Ūnugūlīle.

232.3 Wakwitana Ū Yesu
(Open Wide the Door)



22

Alīyo ū Mulungu ū ng'wene atoolekegi je ū
būtongwa bokwe ūmo atūtogelilwe mu gīkī, ū
Kilisito akatūchīlila a bise aho twalī tūtaalī
banhū ba shibi.

Balumi 5:8

Nghana, walī olecha ko,
Ūmo waatūtogwa,
Niswe tūntogwe nīyo no,
Tūng'wigwe mu yose.

21.2 Lūli Ko Lūgūlū Ūko

(Jesus the Very Thought of Thee -Tune Sawley)



23

Nguno ū nene natiko kūjibonela minala ī
Nghūlū Jawiza, īkī ī joi hū jilī būdūla bo
ng'wa Mulungu kūlwa kūmpīja ose ose ūyo
ūzunya.

Balumi 1:16

**Mpīja wiswe ū Yesu,
Wanukūla bose pye,
Ba shibi na bahūnga,
Nzūgwi, Yesu wahaya.**

*Tūmagi nghombe hose pye
Yesu Šeba wabitana
Ba shibi na bahūnga
Nzūgwi, Yesu wahaya.*

214.1 Mpīja Wiswe Ū Yesu

Yesu anawaita wakosa (Sifa #166; Tenzi #32)
(Sinners Jesus will Receive)



24

[Yesu alihaya gīkī,] “Ī ngholo jane jika-
liigwaga ī lilaka lyane nū nene najimanile;
nīyo jīkanilondeelaga, nane najinha būpanga
bo butashilaga.

Yohana 10: 27, 28a

**Nigwaga ilaka,
Wanitana Bebe;
Niza kwejiwa mu moyo
Na mininga gako.**

*Nizile, Seba,
Nakūdayīla,
Nojage na mininga
Agalī gūsela.*

74.1 Nigwaga Ilaka

Nasikia kuitwa (Sifa #122; Tenzi #40)
(I hear Thy Welcome Voice)



25

[Yesu alihaya giki,] "Nguno ū bŭtogwa bo ng'wa Baba bŭlŭ giki, bŭlŭ ng'wene ūyo ūmona ū Ng'wana na kŭnzunya, abize na bŭpanga butashilaga, nane nakŭnjŭŭcha a ha lŭshikŭ lo bŭkalŭkŭjo."

Yohana 6:40

*Ūwanzunya Yesu, ize kŭlŭ We,
Apandŭke bŭpanga bŭtŭshila,
Ng'wene Nzŭla nghana, Ng'wene Bŭpanga,
Ūyo ūtogwa, ize.*

*Ūyo ūtogwa, ūyo ūtogwa,
Mhayo gwa Mulungu anukŭlaga,
Ba mahanga gose bitanwa nanghwe
Ūyo ūtogwa, ize.*

256.2 Bŭlŭ Munhŭ Ose

Anisikiaye aliye yote (Sifa #165; Tenzi #36)
(*Whosoever Will*)



26

Nīyo bŭtīho bŭpīji mulī munhū ūngī ose-ose,
nguno ndūhū lina līngī hangī pye a hose a ha
sīlīlī y'igūlū ilo binhwa a banhū, gīkī
shitwigelelilwe kŭpījiwa mulyo.

Shītwa 4:12

Ūlū mu shibi wanogaga mo, nolage ū Yesu
We waakŭchīlīla ha nsalaba, nolage We Yesu.

Nolage We Yesu, nolage We Yesu,
Atī ho ūngī wa kŭkŭpīja, nolage We Yesu.

211.1 Ūlū Mu Shibi

Je, umechoka (Sifa #133)
(Look to the Lamb of God)



27

Ū mhayo ūyū gūtūngīlīgije gete, hangī
gwigeeleelilwe kūzunyiwa na banhū bose; gīkī:
Ū Kilisito Yesu akiza ū mu sī kūpīja ba shibi.
1 Timoteo 1:15a

Yesu wiza kūbapīja a balī na shibi.
Ū nsambo mū ngelo yakwe walī ūpījiwa.

*Aho naanzunya Yesu naabona bupīji,
Mininga galī gūsela gūboja a babi.*

173.1 Yesu Wiza Kūbapīja A Balī Na Shibi
Damu imebubujika (Tenzi #86)
(There is a Fountain)



28

Ū mhayo ngwenūyū gūlī gwawiza, na
gūzunīlījiwe nū Mulungu ū mpīja wise, ūyo
atogilwe pye a banhū bapīle, na bashike mu
kwīyitegeleja ī nghana.

1 Timoteo 2:3,4

Alūmve Mulungu ntale
Kūlwa kīgongo chakwe,
Akantūma Ng'wana wakwe,
Yesu Kristo, Nkomoji,
Akakong'wa ha nsalaba
Kūtūkomola biswe,
Nsanyage ū Yesu Seba
Kūlwa kūtogwa kwakwe.

122.3 Tang'ahyaga Mhayo Gwakwe

Tangazeni neno lake (Sifa #63)
(Come Thou Fount)



29

Nguno ū Ng'wana wa Munhū wizile kūkooba
na kūpīja īsho shijimīlile.

Luka 19:10

**Yesu Kristo mu Betelehemu,
Walī ūbyalwa mu būhabī no,
Ī sha kūkumya, nanūmba ū We --
Wiza kūnikoba!
Kūnikoba nene! kūnikoba nene!
Ī sha kūkumya, nanūmba ū We --
Wiza kūnikoba!**

11.1 Yesu Kristo Mu Betelehemu

Yesu Kristo kwa unyenyekevu (Sifa #97; Tenzi #73)
(*Seeking for Me*)



30

... Gashinaga ng'hana ū Mulungu atī na
būsolanhya, alīyo pyī ū mu mahanga
akanukūlaga būlī munhū ūlū ūbiza ntūngilīja.
Shītwā 10:34b,35

Aho Abraham akigwa mhayo
gwakwe Mulungu
Gwa kūng'wīla kūbaleka bakwe pye,
Akabūka mu kūzunya, ūja sī ya kūle no,
Wisagījiwa wīngīji būpya ho.

*Akabūka mu kūzunya
kwa kūsungūlīlwa mbango,
Nanghwe abi wa lūbango
Lwa kū banhū bingī bose ba mu si.*

190.1 Aho Abraham Akigwa
Bwana Yesu atakaporudi (Sifa #114)
(When the Roll is Called Up Yonder)




31

... a bise tūkūptla ginehe, ulū tūleka
kūbūdītīla būrīji būtaale gītī wenūbū?...
Bahebulania 2:3a

**Aho nalīmīla ko,
Nshikanu mulī We,
Nalahaya ng'wikūjo,
Yesu waanichītīla.**

*Akakūūla pye,
Yesu waalīpa,
Shibi shikanibihya,
Waaneja mu shose.*

23.4 Nigwa Mpīja Ūhaya
Deni yangu ya dhambi (Sifa #124)
(All to Christ I Owe)



Wasaidizi: M. B. Luhaga, M. S. Masanagulilo,
G. M. Bundala, M. S. Ipimilo
Mratibu msaidizi: S. Nkoma Ngallaba
Mratibu na mhariri: N. Glock
Mchoro katika kitabu hiki: I. D. Mashauri (IKIGO)

Satū
(Januari)
Nghĩĩĩĩ na mĩmbo ga
Bũpĩji
mu Kisukuma
(Mistari na nyimbo
kwa Kisukuma kuhusu
Wokovu)

Mistari ya Agano la Kale imetolewa kutoka
Shandikwa Shela Sha Mulungu
ishilikwa giki *Biblia* ©1960
Mistari ya Agano Jipya imetolewa kutoka
Ilagano Ipya, Nghũlũ Jawiza kũ Banhũ Bose ©2000
Imetumika kwa kibali cha
Chama cha Biblia Tanzania
P.O. Box 175, Dodoma, Tanzania

Nyimbo zimetolewa kutoka
Mimbo (Kisukuma)
Imetumika kwa kibali cha
Inland Publishers
Haki zote zimehifadhiwa ©1987

© Wycliffe Inc. 2011
Kimechapwa na
Elimu ya Kikristo AICT
Mwanza, Tanzania
Oktoba 2011